

大清宣統政紀卷四十一

宣統三年辛亥冬十月乙未朔時享

太廟遣豫親王懋林恭代行禮

上由西苑還宮

現月

諭內閣

監國攝政王面奉

隆裕皇太后懿旨所有禁衛軍左右翼巡警武衛左軍各項兵丁著

每名賞銀一兩由內帑撥交內務府發給

現月

又諭本月初六

日宣誓

太廟所有各衙門人員均著陪祀

現月

又諭資政院奏請剪髮以昭

大同又奏議決改用陽歷各一摺著內閣會議具奏

現月

又諭

御史溫肅歐家廉奏陳剪髮議案萬不可從改用陽歷未可輕
議各摺片又候補參議陳毅奏請將重要事件俟國會召集再
行開議一摺均著發交內閣閱看

現月

又諭電寄署陝西巡撫

升允等據升允電奏俟督臣長庚所派援陝之軍至日即督率前進軍行糧饟則惟督臣是賴並刊刻木質關防等語俟兵到後趕緊進剿所有饟糈著責成長庚設法接濟餘著照所請

寄電

又諭電寄歸化城副都統麟壽據電奏歸化城兵變情形仍

著嚴密防範毋再疏虞

寄電

又諭電寄護理江北提督江蘇淮

揚道爽良據電稱清江兵變城陷備禦無方籲請治罪等語爽

良著先行革職聽候查辦

寄電

又諭電寄度支大臣嚴修電奏

悉該大臣衰病侵尋精神委頓朝廷殊深厯念著即趕緊調理

一俟稍痊即行到任

寄電

山西大同鎮總兵王得勝奏敬陳山

西關北大概情形並請發給饟械得旨著軍諮府度支部酌量

籌撥

隨手

附錄內閣致直隸總督電

頃據山東巡撫來電稱煙埠到有革黨軍艦三隻尙未登岸

礮臺已豫備又聞甯海福山登州均投革黨等語希不動聲色嚴密偵防

丙申內閣總理大臣面奏關於入對奏事暫行停止事項開單呈覽從之

現月

附錄內閣總理大臣面奏關於奏事入對暫行停止事項

謹按現在完全內閣業經組織各項制度尙未規定除各衙門辦事仍暫照舊外所有與立憲制度抵觸事項擬請暫行一律停止

一除照內閣官制召見國務大臣外其餘召見官員均暫停止俟定有章制再行照章辦理 總理大臣不必每日入對遇有事件奉

召入對並得隨時自請入對

一除照內閣官制得由內閣國務大臣具奏外其餘各衙門

應奏事件均暫停止所有從前應行請

旨事件均咨行內閣核辦其必應具奏者暫由閣代遞凡無須必

請

上裁事件均以閣令行之

其關於皇室事務如宗人府內務府鑾輿衛欽天監等衙門

暫仍照向章具奏統由內務府大臣承

旨署名具奏後仍即時知照內閣但所奏以不涉及國務爲限

一各部例行及屬於大臣專行事件毋須上奏其值日辦法

應暫停止

一向由奏事處傳

旨事件均暫停止內外摺照題本舊例均遞至內閣由內閣擬

旨進呈再請

鈐章其謝

恩請

安摺件及進呈貢物仍暫由奏事處照舊呈遞

附錄弼德院奏事章程

第一條弼德院奏事均由面奏或用奏片不具正摺

第二條弼德院奏事以

特旨諮詢事件爲限

第三條弼德院奏事均不登載官報

附錄軍諮府奏事章程

第一條軍諮府奏事均由面奏或用奏片不具正摺

第二條軍諮府奏事以軍機軍令爲限

第三條軍務報告均經由督帥大臣會同軍諮大臣奏報

第四條軍諮府奏事均不登載官報

第五條本章程於海軍司令部奏事適用之

內閣代遞埜岫等電奏加練巡防兵暨土默特蒙兵回圖民團均已成軍統領周維藩未探有下落改派吳吉昌爲統領剿辦後山潰兵土匪報聞寄電命郵傳部副大臣梁如浩迅速來京

任事

寄電

轉度支部右丞傅蘭泰爲左丞以左參議曾習經爲

右丞轉右參議劉世珩爲左參議以候補參議楊壽枬爲右參

議

現月

轉民政部右丞汪榮寶爲左丞

現月

命河南布政使俞

鍾穎開缺另候簡用調江蘇布政使齊耀琳爲河南布政使

現月

丁酉諭內閣電寄廣東水師提督李準電奏悉所奏情形異

常駭異該提督與龍濟光戮力國家素著忠勇當此時局亟宜

同心協力設法補救張鳴岐受國厚恩一誤再誤實屬辜恩溺

職究竟逃至何處是否潛匿外界著該提督查明具奏再行核

辦

電寄

又諭電寄陝甘總督長庚據電奏已故提督董福祥之

孫董恭及其姪董溫承其祖母之命願招集舊部自備鑲韜率

赴前敵等語董恭之祖母董趙氏教訓有方毀家紓難洵屬深
明大義董恭等秉承家訓願効馳驅忠勇之忱尤堪嘉尙著即
照所請趕緊招集迅赴事機儻能建樹功績朝廷必加以不次
之賞所需軍械由該督酌量撥給著該衙門查照該督前次電
奏所請槍礮子彈之數設法籌撥 又諭電寄伊犁將軍志銳
據電奏邊軍待饗孔亟請將阿爾泰山前領修城銀十九萬兩
先行撥給伊犁一俟協饗到伊再爲陸續扣還著照所請該部
知道 寄電 又諭電寄外務部大臣梁敦彥電奏悉該大臣臥病
多日朝廷甚爲廑念惟時局危迫外交尤關重要該大臣務即
趕緊調治遵旨迅速來京供職毋再固辭 寄電 又諭電寄法部
副大臣梁啟超據電奏懇恩開缺等語該副大臣久羈海外時
以祖國存亡爲念乃朝廷所深知現在政治更始百端待理著
即遵旨迅速回國國勢艱危至此想亦不能忘情也 寄電 陝甘

總督長庚電奏擬刊陝西布政使木質關防發交彭英甲啟用

報聞

電寄

署荊州將軍連魁等奏宜湘失陷荊襄四面受敵情

形危迫孤軍恐難持久設有疏虞湖北全局糜爛屢思派兵先
勦宜昌以保饒源奈荊州防守一切皆關緊要且各處消息梗
阻自顧兵單饒竭未敢勞師襲遠輕於一試懇飭下軍諮府海
陸軍部度支部陸軍正大臣蔭昌湖廣總督袁世凱迅速撥兵
二三營兵輪一二艘援荊勦宜並籌的款就近指撥以資接濟
而保上游並懇於督臣提臣中酌調一員率領大隊暫行移駐
荊襄以資策應庶免蔓延得旨該衙門分別籌撥著該將軍等
激勵將士慎固防守力保荊襄

摺包

戊戌諭內閣聞陝西匪徒

擾亂治安肆意殘殺並有傷害洋人情事實屬慘無人理殊堪
痛惜著升允及姜桂題所派將領迅速帶隊將此項土匪立即
勦除所有在境洋人務須認真保護並約束官軍嚴守紀律毋

稍騷擾著將洋人被害情形先行查明具奏

月現

又奏世續現

已銷假其原充之文華殿大學士

實錄館監修文淵閣領閣事國史館總裁均著照舊補充

月現

又諭

電寄直隸總督陳夔龍據電奏直防緊要請仍准王懷慶即赴

通永鎮新任等語著照所請

電寄

又諭電寄大同鎮總兵王得

勝等據電奏革軍現抵雁門於初二日業已開仗奪關請速撥

過山快礮兩哨並請酌派步隊等語著姜桂題酌量籌撥

電寄

東三省總督趙爾巽等奏黑龍江省庫瑪爾河金廠匪結兵變

當飭派馬步各隊分路剿捕陣斃匪首畢積成等地方一律收

平所有出力員弁應請核實獎勵以昭激勸得旨准其酌保數

員

摺包

又奏呼蘭綏化兩府地方初級審檢各廳業經成立所

有監獄人犯統歸所官管理原設府經歷並司獄一缺自應一

併裁撤騰出原有經費以濟審判之用下內閣知之

摺包

命山

西巡撫張錫鑾迅速赴任毋稍延緩

現月

以張廣建署山東布

政使

現月

附錄內閣致綏遠城將軍瑩岫電

東電悉武漢停戰尙無成議娘子關亦無遣使議和之舉現已商由張撫帶隊進攻

附錄內閣致前江北提督雷震春電

來電悉皖北糜爛官紳籌款編練防營係爲保衛桑梓起見自屬可行該提督向來勇於任事所有招集營隊准由該提督統率認真防守如能奮發忠忱保衛地方有功本閣當爲奏請

朝廷予以不次之賞

己亥諭內閣電寄農工商大臣張謇電奏悉前經宣布憲法信條十九條並定於本月初六日宣誓

太廟此後庶政實行公諸輿論決不至再有障礙至共和政體列邦

有行之者惟中國幅員寥廓滿蒙回藏及腹地各行省民情風

俗各有不齊是否能收統一之效不至啟紛爭割裂之禍仍著

該大臣迅速來京與廷臣詳細討論並將朝廷實行改革政治

意旨剴切宣示以釋羣疑

電寄

又諭電寄庫倫辦事大臣三多

等據電奏擬將兵備處裁撤各節均照所請現在時事艱危三

多在庫日久情形熟悉務當力任其艱毋得遽萌退志所請另

簡賢能之處著毋庸議

電寄

又諭電寄陝甘總督長庚據電奏

據署布政使提法使劉穀孫詳請委員接署藩篆並開去本缺

擬以署提學使俞明震等署理藩司各缺等語著內閣知道

電寄

又諭電寄塔爾巴哈台參贊大臣額勒渾據電奏塔城改練

軍隊推廣屯工需款孔亟請將阿爾泰山所存修城銀兩借撥

一半應用等語此項銀兩前經志銳奏請撥用著該大臣電商

志銳酌量勻撥以應要需

電寄

暫護湖廣總督段芝貴電奏節

逾霜降江水退消本年萬城大隄三汛安瀾報聞

電寄

山西巡

撫張錫鑾奏現籌規復晉省所有招集舊部兵隊及酌調行營
差遣各員一切薪饌所費不貲懇飭部先行撥發銀四十萬兩
以資接濟得旨著度支部酌量迅速籌撥

摺包

緩徵吉林琿春

廳屬被災田畝錢糧

摺包

庚子告祭

太廟宣誓憲法信條

監國攝政王代詣行禮誓詞曰維宣統三年歲次辛亥十月乙

未朔越六日孝孫嗣皇帝

臣御名

年在冲齡監國攝政王

載

攝行祀事謹誓告於

太祖承天廣運聖德神功肇紀立極仁孝睿武端毅欽安弘文定業

高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆道顯功文皇

帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至仁純孝章皇

帝

孝惠仁憲端懿慈淑恭安純德順天翼聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德大成仁皇

帝

孝誠恭肅正惠安和淑懿恪敏儷天襄聖仁皇后

孝昭靜淑明惠正和安裕端穆欽天順聖仁皇后

孝懿溫誠端仁憲穆和恪慈惠奉天佑聖仁皇后

孝恭宣惠溫肅定裕慈純欽穆贊天承聖仁皇后

世宗敬天昌運建中表正文武英明寬仁信毅睿聖大孝至誠憲皇

帝

孝敬恭和懿順昭惠莊肅安康佑天翊聖憲皇后

孝聖慈宣康惠敦和誠徽仁穆敬天光聖憲皇后

高宗法天隆運至誠先覺體元立極敷文奮武欽明孝慈神聖純皇

帝

孝賢誠正敦穆仁惠徽恭康順輔天昌聖純皇后

孝儀恭順康裕慈仁端恪敏哲翼天毓聖純皇后

仁宗受天興運敷化綏猷崇文經武光裕孝恭勤儉端敏英哲睿皇

帝

孝淑端和仁莊慈懿敦裕昭肅光天佑聖睿皇后

孝和恭慈康豫安成欽順仁正應天熙聖睿皇后

宣宗效天符運立中體正至文聖武智勇仁慈儉勤孝敏寬定成皇

帝

孝穆溫厚莊肅端誠恪惠寬欽孚天裕聖成皇后

孝愼敏肅哲順和懿誠惠敦恪熙天詒聖成皇后

孝全慈敬寬仁端慤安惠誠敏符天篤聖成皇后

孝靜康慈懿昭端惠莊仁和愼弼天撫聖成皇后

文宗協天翊運執中垂謨懋德振武聖孝淵恭端仁寬敏莊儉顯皇

帝

孝德溫惠誠順慈莊恪愼徽懿恭天贊聖顯皇后

孝貞慈安裕慶和敬誠靖儀天祚聖顯皇后

孝欽慈禧端佑康頤昭豫莊誠壽恭欽獻崇熙配天興聖顯皇后

穆宗繼天開運受中居正保大定功聖智誠孝信敏恭寬明肅毅皇

帝

孝哲嘉順淑慎賢明恭端憲天彰聖毅皇后神位前曰洪維我
太祖高皇帝以來

列祖

列宗貽謀宏遠垂三百年於茲矣

孝孫御名

寅紹丕基兢兢業業仰

承

先朝立憲之大愔力圖急進朝夕籌謀乃弗克負荷用人行政諸未
得宜以致上下睽隔情意不孚旬月之間寰區椒擾深懼我

累聖相承之大業顛覆於地憫予小子罪曷克當茲由資政院諸臣
博採列邦君主最良之憲法上體親貴不與政事之

成規先撰重大信條十九條其餘未盡事宜一併歸入憲法迅速編
纂並速開國會以符立憲政體審察情勢已允施行用敢矢言
於我

列祖